

आकाशवाणी

1. प्रधानमंत्री नरेंद्र मोदी होर अपने त्रै मुल्खें दे दौरे दी पेहली पड़ाऽ जार्डन पुज्जे।
2. एन.डी.ए ते विपक्ष दे सांसदें बश्कार बहस दे चलदे संसद दे दौनें सदनें दी कार्रवाई बाधित होई।
3. सरकारै आखेआ ऐ जे सरकार हवाई किराएं पर सख्त निगरानी रखने आस्तै नागर विमानन महा-निदेशालय तैहत टैरिफ निगरानी इकाई गी होर मजबूत करोग।
4. दिल्ली हवाई अड्डे पर रनवे पर दूर तगर सेई चाल्ली नेई नजरी औने आहली स्थिति च हुन सुधार होग। यात्रिं गी आखेआ गेआ ऐ जे ओह ताजा जानकारी हासिल करना।
5. आस्ट्रेलिया च न्यू साउथ वेल्स पुलस नै सिडनी बॉडी बीच च गोलीबारी करने आहले हमलावरें दी पंछान पिता-पुत्र दे तौर पर कीती। दवें पाकिस्तान दे लाहौर थमां ना। इस हमले च 16 लोक मारे गए हे।



PM-Three Nation Visit

प्रधानमंत्री नरेन्द्रह मोदी 6 मुल्खें जॉर्डन, इथियोपिया ते ओमान दी यात्रा पर अज्ज रवाना होए। यात्रा दे पैहले चरण च मोदी होर जॉर्डन पुज्जी गए। ओह जार्डन नरेश अब्दुदल्लाे द्वितीय इन्नम अल हुसैन हुन्दे साद्दे पर गए ना। रवाना होने सोयां पैहले प्रधानमंत्री होरें आखेआ जे ओह अबदुल्ला ते जॉर्डन दे प्रधानमंत्री जाफर हसन हुन्दे कन्नै व्यापक चर्चा करडन। श्री मोदी भारतीय समुदाय कन्नै बी मलाटी करडन। जिने दोनें देशें बश्कार सरबंधें च महत्वेपूर्ण योगदान दिता ऐ। श्री मोदी हुन्दी एह यात्रा दोनें देशें दे राजनयिक सरबंधें दी स्थादपना दे 75 बरे पूरे होने दे मौके पर होआ र दी ऐ। अम्मीन सोयां प्रधानमंत्री कल इथियोपिया दी राजधानी अदीस अबाबा जाडन। ओह इथियोपिया दे प्रधानमंत्री डॉ. अबे अहमद अली हुन्दे कन्नै विचार-विमर्श करडन। प्रधानमंत्री भारतीय समुदाय कन्नै बी मलाटी करडन ते संसद दे सांझै सत्र गी संबोधित करडन। यात्रा दे अखीरले गेड च मोदी होर बुधवार गी ओमान पुज्जडन। एह यात्रा दोनें देशें बश्कार राजनयिक सरबंधें दी स्थापना दे 70 बरे पूरे होने पर होआ र दी ऐ। मस्कंट च श्री मोदी ओमान दे सुल्तारन कन्नै बैठक करडन ते भारतीय समुदाय गी सम्बोधित बी करडन।



Parl. Disruption

राष्ट्रीय जनतांत्रिक गठबंधन ते विपक्षी सांसदें च बहस दे चलदे अज्ज संसद दे दोनें सदनें दी कार्यवाही बाधित होई ऐ। कल नमी दिल्ली च कांग्रेस दी रैली च प्रधानमंत्री नरेन्द्र मोदी हुन्दे खिलाफ कीती गेदी आपत्तिजनक टिप्पणी आस्तै लोकसभा ते राज्य सभा च राष्ट्रीय जनतांत्रिक गठबंधन दे सांसदें कांग्रेस नेतृत्वय सोयां माफी दी मंग कीती। लोकसभा दी कारवाई शुरू हुन्दे गै संसदीय मामले दे मंत्री किरन रिजिजू होरें सदन च एह मुद्दा पुट्टेआ। उनें आक्खेआ जे प्रधानमंत्री नरेन्द्र मोदी होरें गी दुनिया मन्नदी ऐ, देश दे लोक उनें गी मन्नदे ना। उनें प्रधानमंत्री हुन्दे पर कीती गेदी पिट्टपणी गी अफसोसनाक ते दना बी नेई बरदाशत करने आहली दस्सेआ। उनें आक्खेआ जे इस टिप्पणी दा हुन छडा खंडन करने कन्नै किश नेई होग, कांग्रेस अध्यक्ष ते कांग्रेस दे नेता प्रतिपक्ष दोनें लोकसभा राज्यसभा च देशवासियें सोयां माफी मगनी चाईदी। हंगामा जारी रहने पर लोकसभा अध्यक्ष ओम बिरला होरें सदन दी कारवाई गी 12 बजे तक स्थगित करी दिता। पैहले स्थगन मगरा लोकसभा दी कारवाई जिसलै दोपहर 12 बजे मगरा परतिए शुरू होई, तां विपक्षी सांसद नारेबाजी करदे होई सदन दे बीच-बश्कार आई गये ते आरोप लाया जे सत्ताधारी पार्टी सदन चलाना नेई चाहन्दी ऐ। शोरगुल जारी रौहने पर सदन गी दपैहरी 2 बजे तक आस्तै स्थगित करी दिता गया। राज्यसभा च बी इसै मुद्दे पर हंगामा जारी रेआ। कारवाई शुरू हुन्दे गै सदन दे नेता जगत प्रकाश नड्डा होरें राज्यसभा च विपक्ष दे नेता मल्लिकार्जुन खरगे ते वरिष्ठा कांग्रेस नेता सोनिया गांधी हुन्दे सोयां माफी दी मंग कीती। श्री नड्डा होरें आक्खेआ जे इस चाल्ली दी आपत्तिजनक टिप्पणी कांग्रेस दी सोच ते मानसिकता गी दर्शन्दी ऐ।

<><><><><><>

BJP-Criticize Cong.

केंद्रीय मंत्री ते जेडीयू दे वरिष्ठ नेता राजीव रंजन उर्फ ललन सिंह होरें आक्खेआ ऐ जे एह टिप्पणी कांग्रेस दी मानसिकता ते संस्कृति गी दर्शन्दी ऐ। संसद परिसर च संवाददाताएं कन्नै गल्ल करदे होई उने आक्खेआ जे विपक्ष जनता दा विश्वास जीतने च विफल रेआ ऐ ते इस करी ओहू ऐसे बेबुनियाद आरोप ला र दे ना। उनदी एह भाषा ऐ, उन्दी इय्यै संस्कृति ऐ ते इसै संस्कृति पर ओहू देश पर राज करने दा सुखना दिक्खा र दे ना। इस दौरान, कांग्रेस सांसद प्रियंका गांधी होरें आरोपें दा खंडन करदे होई आक्खेआ ऐ जे रैली दौरान मंच सोयां कुसै नै बी ऐसी टिप्पणी नेई कीती। संवाददाताएं कन्नै गल्ल करदे होई उने आक्खेआ जे एह आरोप बिजन आधार दे ना। उनें आक्खेआ जे कौने इयां आक्खेआ उनें गी नेई पता पर मंच पर बिल्कुल ऐसा किश नेई होआ। सार्वजनिक तौर पर कुसै ने किश आक्खेआ कोई कार्यकर्ता ऐ या कौन ऐ कुसै गी बी नेई पता।

<><><><><><>

BJP Poll Incharge

भारतीय जनता पार्टी नै तमिलनाडु ते असम च विधानसभा दे औन्दे चुनाएं आस्तै प्रभारियें दी घोषणा करी दिती ऐ। पार्टी नै वरिष्ठ नेता ते केंद्रीय मंत्री पीयूष गोयल गी तमिलनाडु दा चुना प्रभारी नियुक्त कीता ऐ। इसदे कन्नै गै केंद्रीय मंत्री अर्जुन राम मेघवाल ते मुरलीधर मोहोल होरें गी राज्य विधानसभा चुनाएं आस्तै सह-प्रभारी बी नियुक्त कीता गेआ ऐ। तोआंई असम विधानसभा चुनाव आस्तै पार्टी दे राष्ट्रीय उपाध्यक्ष बैजयंत पांडा गी चुना प्रभारी नियुक्त कीता गेआ ऐ। जम्मू-कश्मीर विधानसभा च भाजपा विधायक ते विपक्ष दे नेता सुनील कुमार शर्मा ते साबका केंद्रीय मंत्री दर्शना बेन जरदोष गी सह-प्रभारी बी नियुक्त कीता गेआ ऐ।

<><><><><><>

BJP-Congress

भारती जनता पार्टी नै मतदाता सूचिएं दी व्यापक ते गहन नजरसानी आहले मामले च कांग्रेस पर भरम-भलेखा पेदा करने दा दोश लाया। नमीं दिल्ली च इक प्रेस कांफ्रेंस गी संबोधित करदे होई पार्टी प्रवक्ता संबित पात्रा होरें आखेआ जे चुनांऽ सुधार बारै संसद च व्यापक चर्चा होई ऐ। उनें आखेआ जे केंद्री गृह मंत्री अमित शाह होरें इक-इक नुक्ते पर गल्ल कीती। पात्रा होरें आखेआ जे कांग्रेस मुख् दी संवैधानिक इकाइएं दी इज्जत नेई करदी।

<><><><><><>

Tarrif-Monitoring Unit

केंद्रीय नागर विमानन मंत्री राम मोहन नायडू होरें आक्खेआ ऐ जे सरकार हवाई किरायें पर सखत निगरानी रखने आसतै नागर विमानन महानिदेशालय दे तैहत टैरिफ निगरानी इकाई गी होर मजबूत करोग। राज्यनसभा च अज्ज प्रश्नकाल दौरान जिमनी सोआलें दा परता दिन्दे होई नायडू होरें दस्सेआ जे घरेलू रस्ते दे कन्नो कन्नी हुन अंतर्राष्ट्री य रस्ते दे कराये दी बी निगरानी कीती जा र दी ऐ। उने आक्खेआ जे करायें च बाद्दे मंत्रालय सारीयां जरुरी गैं पुट्टा'रदा ऐ। उनें आक्खेआ जे जेडे मॉनिटरिंग यूनिट साहडे डी.जी.सी.ए. च हैन उनं गी बी होर सशक्तॉ करिए ते सारे रूट अस मॉनिटर करा र ने आ। मंत्री होरें आक्खेआ हाल च इन्डिगो दिए डोआरिएं दे रद्द होने दी बजह करी यात्रिएं गी केई सारी समस्याएं दा समाना करना पेआ इस करी मंत्रालय नै इसदे च दखल दिती। मंत्री होरें आक्खेआ जे मंत्रालय दा इक टैरिफ निगरान पोर्टल बी ए जेदे राएं यात्री लोडचदी जानकरी लेई सकदे न।

<><><><><><>

Trump-Visa

अमरीका दी सरकार अज्जै थमां सोशल मीडिया प्रोफाइलें दी जांच सनें H-1 B ते एहदे आश्रत H-4 वीजे लेई दरखास्त देने आहलें दी जांच पड़ताल शुरु करोग। अमरीका दे विदेश मंत्रालय नै इक नमें हुकम च आखेया ऐ जे अज्जै थमां सब्भनें H-1 B आवेदके ते उंदे आश्रते दी ऑनलाईन मजूदगी दी समीक्षा करगंन। विद्यार्थियें ते एक्सचेंज विज़िटरे गी पैहले सवां गै इस जांच दे दायरे च रखेया जंदा रेहा ऐ। हून विदेश मंत्रालय नै एहदे च विस्तार करदे होई सोशल मीडिया दी जांच गी बी एहदे च शामिल करी दिता ऐ ते एहदे च H-1 B आवेदके ते H-4 वीजा पर उंदे आश्रते गी बी शामिल कीता गेया ऐ। मंत्रालय दा आखना ऐ जे इस जांच प्रक्रिया गी सखल्ला बनाने लेई H-1 B ते उन्दे आश्रते H-4 , F M ते J श्रेणी दे गैर अप्रवासी वीजा दे सब्भनें आवेदके गी अपनी सब्भनें सोशल मीडिया प्रोफाइलें दी निजता यानि प्राइवेट दी सेटिंग गी सार्वजनिक यानि पब्लिक पर सेट करना होग। F, M ते J वीजा दा इस्तमाल विद्यार्थियें ते एक्सचेंज विज़िटर औने लेई करदे ना।

<><><><><><>

India-Bangladesh

भारत नै बांग्लादेश दी अंतरिम सरकार दे आरोपें गी साफ तौरा पर खारिज करी दिता ऐ- जेदे च आखेया गेया हा जे नमीं दिल्ली साबका प्रधानमंत्री शेख हसीना होरें गी अपने समर्थके सामने भड़काऊ ब्यान देने दी इजाजत देया रदी ऐ। विदेश मंत्रालय नै आखेया ऐ जे भारत नै बांग्लादेश च शांतिपूर्ण माहौल च आजाद निरपक्व- समावेशी ते भरोसमेद चुनां करोआने दे अपने रुख गी लगातार दोहराया ऐ। इसदे इलावा भारत नै कदें बी अपनी धरती दा इस्तेमाल बांग्लादेश दे हितें दे विपरित नैई होन दिता।

<><><><><><>

Patel Death Anniversary

उपराष्ट्रपति सी.पी. राधाकृष्णन होरे अज्ज सरदार वल्लभभाई पटेल हुन्दी 75मीं पुण्यतिथि पर उनें गी श्रद्धांजलि भेंट कीती। इक सोशल मीडिया पोस्ट च उपराष्ट्रपति होरें आखेआ जे सरदार पटेल होरें रियासतें दा विलय करिए देशै गी इकजुट करने च महत्वपूर्ण भूमिका निभाई। इसदे कन्नै देशै च अखिल भारतीय सेवाएं दी नीह पेई जेदे कन्नै प्रशासनिक ढांचा मजबूत होआ ते देशै च एकता दी भावना गी बल थहोआ। सरदार पटेल होरें गी भारत दा लौह पुरुष दस्सदे होई श्री राधाकृष्णन होरें आखेआ जे उन्दे नेतृत्व च देशै भाषाई, सांस्कृतिक ते क्षेत्रीय विविधता दी चुनौतियें दा सामना कीचा। उपराष्ट्रपति होरें आखेआ जे सरदार पटेल हुन्दियां उपलब्धियां बेमिसाल ना ते दुनिया च होर दुए कीते गेदे जतनें सोयां केई ज्यादा महत्वपूर्ण ना। श्री राधाकृष्णन होरें आखेआ जे उनदी अमर विरासत, 'एक भारत श्रेष्ठ भारत' दी प्रेरणा ते विकसित भारत आस्तै राष्ट्र दा मार्गदर्शक ऐ।

<><><><><><>

Ex MP Dies

अयोध्या राम मंदर अभियान च अहम भूमिका निभाने आले साबका सांसद राम विलास दास वेदांती हुं'दा मध्य प्रदेश दे रेवा जिले च इक अस्पताल च काल होई गेआ ऐ। उन्दे काल दी खबर सुनियै पूरे अयोध्या च सोग दी लैह ऐ। उं'दे परोआर दे सदस्य खीरी संस्कार लेई उं'दा पार्थिव शरीर अयोध्या लेइयै जाडन। मुखमंत्री योगी आदित्यनाथ होरें राम विलास दास वेदांती हुं'दे काल पर दुख ते बसोस जताया ऐ।

<><><><><><>

Delhi

दिल्ली हवाई अड्डे पर रनवे परदूर तगर सेई चाल्ली नेई नजरी औने आहली स्थिति च सुधार होआ ऐ ते डोआरियां सामान्य तौर पर चला'रदियां ना, हालांकि डोआरिएं दे औने ते जाने दे समें पर किश असर पेई सकदा ऐ। दिल्ली हवाई अड्डे नै यात्रियें गी परामर्श जारी करिए ताजा जानकारी आस्तै अपनी एयरलाइन दे संपर्क च रौहने दा आग्रह कीता ऐ। दस्सेआ गेआ ऐ जे कर्मचारी टर्मिनल दे बक्ख बक्ख औने ते जाने आहले क्षेत्रें च यात्रियें दी सहायता आस्तै मौजूद ना।

<><><><><><>

IMD

मौसम विभाग नै तेलंगाना, उत्तरी कजनाटक ते कर्नाटक दे अन्दरुनी इलाके च अज्ज सीत लैहर जारी रौहने दी पेशगोई कीती ऐ। दिल्ली, पंजाव, हरियाणा, चंडीगढ, हिमाचल प्रदेश, पूर्वी मध्य प्रदेश, उत्तर प्रदेश, ते पूर्वोत्तर भारत च धुध आहला मौसम बने दा रौहग। अगले 2 थवा 3 दिने दौरान उत्तर पच्छिम च तामपान च 2 डिग्री सैलसियस दी कमी दर्ज कीती जाई सकदी ऐ। तांई दिल्ली-एनसीआर क्षेत्र च हवा दी गुणवत्ता बडी खराब श्रेणी च बनी दी ऐ। केंद्रीय प्रदूषण नियंत्रण बोर्ड मूजब दपैहरी इक बजे औसत वायु गुणवत्ता सूचकांक 441 दर्ज कीता गेया। जम्मू-कश्मीर च मौसम 20 दिसम्बर तगर मता खुशक रौहने दी मेद ऐ ते मौसम सरबंधी ताजा जानकारी मजुब- कुसै बड्डी गतिविधि दी मेद नेंई ऐ। 21 दिसम्बर गी कश्मीर खिते च ते जम्मू च बक्ख-बक्ख थाहरें पर हौली बरखा जां बर्फबारी होई सकदी ऐ। 22 थमां 25 दिसम्बर तगर आंशिक तौरा पर बद्दल छाए दे रौहने दी मेद ऐ- जिसलै कि 26 दिसम्बर गी आम तौरा पर बद्दल छाए दे रौहगंन। अधिकारियें चेतावनी जारी कीती ऐ जे केई इलाकें च हल्की शा दरम्यानी धुंध पौने दी मेद ऐ- जेहदे करी केन्द्र शासित प्रदेश च दिक्खने च परेशानी आई सकदी ऐ ते यात्रा बी प्रभावित होई सकदी ऐ।

<><><><><><>

Australia Terror Attack

ऑस्ट्रेलिया च न्यूभ साउथ वेल्सप पुलिस नै आखेआ ऐ जे सिडनी बॉन्डीट बीच च गोलीबारी करने आहले हमलावरें दी पन्छान पिता-पुत्र दे तौर पर कीती गई ऐ। एह मूल रूप कन्नै पाकिस्ताडन दे लाहौर सोयां ना। इनदे चा इक बंदूकधारी 50 वरे दे साजिद अकरम गी पुलिस नै हमले दौरान गै गोली मारी दिती, जिसदे ओदी मौत होई गई ही। जिसलै कि उसदा पुतर 24 वरे दा नवीद अकरम घायल होई गेआ ते उसदा इलाज अस्पताल च चला र दा ऐ। इस हमले च 16 लोकें दी मौत होई गई ऐ। आस्ट्रेलिया च सिडनी दे बॉन्डी बीच पर कल संजा यहूदियें दी छुट्टी दौरान दंडु बंदूकधारियें आसेया कीती गेदी गोलीबारी च इक बंदूकधारी सने 16 लोक मारे गे न ते केई होर घायल होए ना। न्यू साउथ वेल्स पुलस नै आखेया ऐ जे इक शूटर गी हिरासत च लेता गया ऐ। इस घटना च केई सारे लोक घायल होए न- जिन्दे च 2 पुलस अफसर शामिल ना। प्रधानमंत्री एंथनी अल्बनीस होरें इस घटना गी हैरान ते परेशान करने आहला दस्सेया। उनें आखेया जे एह हमला आस्ट्रेलिया दे लोकें पर कीता गेदा हमला ऐ। प्रधानमंत्री नरेन्द्र मोदी होरें आस्ट्रेलिया दे बॉन्डी बीच पर होए दे आतंकवादी हमले दी निंदेया कीती ऐ। उनें आखेया जे दुख दी इस घड़ी च भारत आस्ट्रेलिया दे लोकें कन्नै खडोते दा ऐ। प्रधानमंत्री होरें आखेया जे भारत नै आतंकवाद दना बी नेंई बर्दाश्त करने दी नीति अपनाई दी ऐ ते भारत हर चाली दे आतंकवाद खिलाफ लड़ाई दा सर्थन करदा ऐ।

<><><><><><>